

汝水

注亦言出南陽魯陽縣之大孟山

右二

朱氏據汝州志釋大孟山并非以魯山縣釋魯陽趙議之非也

注既在邁見

右一

名勝志亦作邁不必因注多言邁見而改作逕也

注又右合三里水

左三

熊會貞曰三里水在汝之左朱箋謂右一作左戴氏從之是也趙氏仍作右誤矣

要刪卷二十一

一 汝水

注封其子韓延年為成安侯即此邑矣

右四

韓延年封國在此是也汝水注複之則非

注元始二年更曰鄭公

左四

王念孫曰平帝紀云元始四年改周承休公曰鄭公荀悅漢紀同恩澤侯表亦云周承休侯綏和元年進爵為公元始四年為鄭公則此二年當作四年段氏說同正義引帝王世紀亦作鄭公

說文

邠潁川縣也而漢志無之據恩澤侯表周承休在邠是前漢有此縣審矣後漢省邠縣有邠鄉而周承休之為縣名他無所見乃知漢志本有邠縣周

承休侯國五字爲小注此侯國不以縣名爲國名故詳出之不知何時脫邠字淺人以周承休本爲侯國侯國皆從縣名遂以周承休升爲大字作縣名章懷不得其故遂改漢志之鄭爲邠不知其與紀表皆不合也賴有說文蛛絲馬跡尙可尋求後讀段氏說文意亦如此

注馮魴先詣行所

右五

馮魴本傳作徵詣行在所然則脫在字趙氏據春秋朝于王所謂行所不誤未審

注水有二源奇導於賈復城

右六

要刪卷二十一

二 汝水

熊會貞曰城下當有西字緣下言逕城北故知水出城西也

注右注激水

右六

熊會貞曰右當作左緣激水東南流又東入城父而桓水東北至城父故知激水在北桓水在南左注之也 又按激水與養水俱出魯陽之將孤山桓水則出魯陽北山可知激水與養水相近在北桓水則在南也右注爲左注之誤無疑

注卽襄城之城父也

左六

按左傳昭十九年二十年及哀六年皆稱城父史

記秦始皇三十二年李信與蒙恬會城父亦襄城之城父也唯後漢書馮異傳作父城而章懷注云亦或謂之城父是後漢書亦不盡作父城也考漢志縣之同名者甚多或加南字或加西字或竟不加字况此爲經傳舊名無緣倒置據史記周本紀集解引徐廣引漢志仍作城父正義引括地志亦作城父左傳集解亦并作城父疑今本漢志爲傳寫之誤倒後人又以改續志晉書詳見余晦明軒稿

注鄭玄云未聞

左八

要刪卷二十一

三

汝水

荆州無湛水故康成云未聞說文湛下一曰湛水豫州浸是改周之荆爲豫矣獨怪許氏既有此說鄭氏何以云未聞而酈氏亦不引許說疑說文一曰之文爲後人據水經注增之

注王莽更之曰定城矣

左八

王念孫據此謂今本漢志汝南郡定陵下當有莽曰定城四字陳奐謂漢志潁川郡定陵下有莽曰定城四字恐是酈氏誤屬按酈氏蓋以潁川汝南兩定陵爲一縣故交互載之實非誤系

注故後漢郡國志有昆陽縣

左九

前漢志有昆陽縣何必後漢此酈氏隨手徵錄以次第言之世祖以下十三字當在上莽兵大潰下藉水以氏縣二句當在上更始元年上

注瀆水出焉世亦謂之大灑水

左九

熊會貞曰大灑水亦見潁水篇

注依山海經不言有水

左十

按中山經雅山灋水出焉此雅山去衡山一百里酈氏知醴出雉衡山而未覺山海經之雅山卽雉字之誤灋水卽醴之通故云不言有水其實非也注東流歷唐山下卽高鳳所隱之山也

左十

要刪卷二十一

四 汝水

後漢書隱逸傳鳳教授業於西唐山中注引水經注亦作西唐山郡國志補注同此脫西字章懷注山在唐州湖陽縣西北

注河東王喬之爲葉令也每月望常自詣臺朝帝怪其來數

右十二

酈氏鈔變搜神記文而以顯宗二字置於下密令之上則帝字無根當從後漢書方術傳云河東王喬者顯宗世爲葉令朱氏以帝字斷句非也望上亦脫朔字

注卽呂忱所謂澗水也

右十三

戴改此爲峴者蓋以別於山海經之澗水耳然何所據而改爲峴若云是大典本直誤字耳

注山海經曰澧水東流注于澗水也

右三

按今本山海經視涉上下之視而譌也此澗水爲葉縣之陂水在今舞陽葉二縣界俗名濃河與出舞陰注汝水之澗水異全氏不能據酈注以訂山海經之視反以山海經之澧爲誤而道元之澗水爲無著矣地理志說文並云澧水入汝此云入澗者蓋合澗以入汝也讀酈注自明

注春秋左傳桓公二年

左三

要刪卷二十一

五

汝水

此春秋經文左傳二字衍

注王莽改郡曰汝濱

左三

汝濱今本漢志作汝汾按此注文是而漢志譌也汝濱是本詩及爾雅若汝汾何義乎

注封長沙定王子劉蒼爲侯國矣

右三

酈氏於贛水注載之是也複載于此則非長沙定王子何得封此此不得以兩存爲說也

注周公舉之爲魯卿士

左三

朱笺云宋本無魯字而趙氏譏之按書正義曰魯世家言成王封周公於魯周公不就封留佐成王

則周公身不至魯蔡仲之命本無魯字何得謂朱氏滅裂經史然酈氏自本史記故下有以見於王謂以魯卿士見王也若周卿士則不煩言矣

注汝水又東南左會潏水水上承汝水別流于奇頷城東

右十五

汪士鐸悔翁筆記云奇頷城在汝之南不得言左會今按注奇頷城在別流之南非在汝南也左字不誤

注東南流注至上蔡西岡北

右十五

熊會貞曰據元和志上蔡岡在上蔡縣東十里疑

要刪卷二十一

六 汝水川

此當作岡西北與下岡東對文

注見王壺公懸壺郡市

左十五

後漢書方術傳但言有老翁不言姓王

注桂陽先賢畫讚

左十五

隋志一卷吳左中郎張勝撰唐志五卷

注熹乃積柴自焚 卽澍雨

右十六

書鈔三十引本作柴熹作喜焚作燒澍作甘並通

何庸戴氏改柴作薪

注主簿崇小史張化

右十六

按書鈔引節去主簿小史等句他書無引此事者

孫潛校崇上有侯字當是從鈔本補

注水逕鮑陽縣故城南

右去

王念孫曰廣韻四十四有鮑除柳切左傳襄二年釋文直九反是也鮑讀如紂此東幽合韻之證

注民謂之楚王琴

左去

楚世家集解引皇覽曰楚武王冢在汝南郡鮑陽縣葛陵鄉城東北民謂之楚王岑疑琴為岑誤

注鮑陂東注為富水水積之處謂之陂塘

左去

熊會貞曰富水亦見淮水注此陂塘當即淮水注所謂富陂

要刪卷二十一

七 汝水

注又東逕遂鄉東南而為壁陂

右去

熊會貞曰此壁陂在遂鄉東南上文壁陂遠在陽遂鄉西當非一陂

注在縣坤地

左去

在縣坤地是以卦名命四維已起於漢人又見穀水注

注一水南入淮

左去

熊會貞曰此即淮水注分青陂東瀆南入淮之水注汝陰有原鹿縣也

右去

按此僖二十一年盟于鹿上杜注而酈氏不引春

秋蓋不以爲春秋之鹿上也故於濟水之鹿城引  
春秋然疑非矣

要刪卷二十一

八  
汝水